



**Poputan pochokunan** July 22, 2020

## **An Unusen State Ourouren Pwonupwonun Aaw me Pwot, Pwonupwonun Maas me Eppetin Maas ren ekkewe Ofesin Tumwunuun Samwaa**

**Pochokunen Nemenem:** Otutun Nampa. 20-27, tetten 9 me 21, ORS 433.441, ORS 433.443, ORS 431A.010

**Pwouetan:** Ei kapasen ourour ngeni unusen state fan iten:

Meinisin chon angangen tumwunun samwaa non ekkewe ofesin tumwunun samwaa, usun mei awewetiwi me fan.

Meinisin mei semwen me chon chuuto ngeni ekkewe ofesin tumwunun samwaa, usun mei awewetiwi me fan.

**Angangen Apochokuna:** Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, tetten 26.

**Ei ourour mei awewei ewe Otutun 20-27 usun ew angangen nepwoputn me pwan an phase ew me ruw kewe onnuk mei pachenong non ewe Otutun ese pwan pachenong non ekkewe neni ren nenien safei. Ewe Kepina a fen apwungano me mutata ei ourour.**

**Fan iten ei ouour ekkei awewe fos repwe tongeni weweoch ngeni:**

- "Pwonupwonun maas" wewen och mangaku, taropwe ika ekkewe pwonupwonun maas sikan aea fan ew chok epwe opwonu pwot me aaw me pwan asetan pwot, me feitiwi ngeni fan ngaach, me pwan nepekin won maas.
- "Pwonupwonun aaw me pwot" a wewe ngeni an pioing kewe pwonupwonun aaw me pwot.
- "Eppetin maas" wewen och plastic mi fat epwe pwonu chaamw, ettiwi fan ngáách, me fittinó ngeni nepekin won maas.
- "Chon Angangen Pekin Safei" (HCP) wewen meinisin chon angangen non ofesin pekin safei ir mei kamo me rese kamo ir mei wor ar repwe nomw orun ika rese nomw orun ekkewe mei semwen ika pisek mei wor monun paikin wor, mei pachenong metochun inisin aramas (e.g., Cha, tissue, me pwan ekkoch chenun non inis); pisekin angangen safei mei nimengaw, mettoch me mwesin; nenie mei nimengaw; ika asepan mei nimengaw. HCP mei pacheong, nge ese pwan kouk ren, kangof, chon tumwunun mei apwangapwang, dokter, technician, therapist, chon angang cha, chon angangen non

rumwen ekkewe safei, chon sukun, trainee, chon angang mei nomw won contract rese mwo wosen angang ngeni ewe neni, me aramas ion esapw ir chon wosen angang non ewe neni, nge ir mei nomw non neni ian epwe wor ian ewe monun samwaau ir mei tongeni repwe angei me non ewe nenien pekin safei, (e.g., chon angangen mwichefen, dietary, pekin angangen environmental, chon angangen nenien sopw, security, chon tumwunuw pekin engineering me pisekisekin non ewe neni, pekin administrative, pekin niwiin, me ekkew chon angang ir volunteer).

- “Ofesin pekin safei” wewen:
  - Neni ese-naisen ren nenien safei, nenien tutun nii, ika pwan ekkoch ofesin pekin safei ian mei wor angangen aninis ngeni mei semwen, pachenong nge ese pwan kouk ren ofesin safei ren dokter, ofesin pekin safei ren ew me ew samwaau, nenien safei ren chiropractic, pekin safei ren acupuncture, nenien safei ren ofesin naturopathic, nenien safei nenien tutun nii, me pwan nenien safei ren semwen mei menei mwitirin aninis ngeni.
  - Ekkewe nenien safei kinikinin pwan ekkoch pioing nge mei nomw towaw me nukun ekkewe nenien safei ir mei kan anomwano chon semwen.
- “Tumwunun nepwoputan”: wewen aean ekkewe pwonupwonun maas ika pwonupwonun aaw me pwot an epwe pwonueno awen me pwotun emon an esapw chouno ewe supwun an ngasangas nupwen an fos, mwesi, ika mor.
- “Towawen Nefiin” wewen angangen atowawa nefinen aramas non 6 fit ika nap seni non unusen kinikinin ian re nomw ian.

## Ofesin Pekin Safei

### Ofesin pekin safei repwe:

- Awora onnuk me opochokuna ekkewe onnuk mei menei an aramas ion mei tonong ngeni ekkewe ofesin safei ar repwe aea pwonupwonun aaw me pwot, pwonupwonun maas ika eppetin maas nupwen repwe nomw non, pachenong fansoun ar nomw non ekkewe rumwen safei, me nukun chok ekkei:
  - Ika pwe ewe mei semwen ese tongeni an epwe aea es pwonupwonun aaw me pwot, pwonupwonun maas ika eppetin maas ren pusin nonomwun an iwe samwaau, iwe epwe fokkun onnuk pwichipwich pwe epwe wor angangen atowawa inisin tori an epwe tonong non ew neni ika rumw ian esapw kon watte efeiengawen samwaau ngeni pwan ekoch.
  - Pwonupwonun aaw me pwot, pwonupwonun maas, me epetin won maas ese pwan menei repwe aea nupwen repwe nomw non rumwen chekin semwen ika fansoun epwe wor angang won kinikinin won mesen ewe aramas ian mei pwonuno ren ewe pwonupwonun aaw me pwot, pwonupwonun maas ika eppetin maas. Ewe pwonupwonun aaw me pwot, pwonupwonun maas, me epetin won maas epwe muttir pachesefanita nupwen a wesino angangen cheki ika kapas eis a taweno.
- Epwe wor onnuk me opochokuna ekkewe onnuk pwe ekkewe HCP erpwe aea met an chon angang pisekin eppet (PPE) nupwen repwe angang ngeni emon mei semwen mei wor eumeuman pwe a nomw ren COVID-19, a fateno pwe a COVID-19, ika ian mei wor ian ewe COVID-19 ([Nengeni “PPE fan iten Chon Angangen Pekin Safei” Kinikin](#)).

- Nafangawen pisekin PPE epwe tumwunun aean non ururun fiti an OHA we ourour (Nengeni [Aean ekkewe Pisekin Eppet an Chon Angang seni ewe Kinikin ren Koukun Pisekin Chon Angang](#)).

## Chon angangen pekin safei

### Chon angangen pekin safei repwe:

- Aea pwonupwonun aaw me pwot ika pwonupwonun maas mei pwonueno pwot me aaw iteitan fansoun meinisin nupwen repwe nomw non ewe nenien safei, me nukun chok ar nomw non ew rumw pusin won pusin inisir.
  - Ekkewe pwonupwonun aaw me pwot ina akkaewin repwe aea me mwen ewe pwonupwonun maas pun mei eppet me ruw ewe tumwunun nepwoputan me pwan eppet fan iten ewe HCP an esapw tori ekkewe supwun ika parasen aaw mei wor monun samwaaun non.
  - Ekkewe pwonupwonun maas mangak resapw aea me nukun ewe respirator ika ewe pwonupwonun aaw me pwot ika pwe mei nap seni angangen tumwunun nepwopwutan.
  - Ewe HCP esapw attapa nukun (mei nimengaw) won ewe pwonupwonun aaw me pwot ika pwonupwonun maas. Ika ewe HCP epwe awenaeochu an iwe pwonupwonun aaw me pwot ika pwonupwonun maas, nimenimen paaw epwe fori me murin jok an wes me awena an iwe pwonupwonun won maas.
  - Eppetin maas epwe pwan sopwosopw ngeni, nge esapw ekkeseewini ewe, pwonupwonun aaw me pwot, ren fan iten tumwunun mesan me pwan sopwosopwon tumwunun parasen supwun aaw me pwot.
  - Ese menei aea pwonupwonun aaw me pwot, eppetin maas ika pwonupwonun maas fansoun mongo ika un, nge angangen atowawa nefinen aramas epwe fis nupwen ewe pwonupwonun aaw me pwot, eppetin maas, ika pwonupwonun maas rese pacheta.
- Aea ekkewe pwonupwonun aaw me pwot N95 ika ekkewe mei kon watte-koukun tumwunun respiratory mei awora watten koukun eppet ([Nengeni “PPE fan iten Chon Angangen Pekin Safei” Kinikin](#)).
  - Ekkewe respirator mi fiti nenien ngaseu me non ese mumuta.

## Chon safei me chon chuuto:

### Meinisin chon safei me chon chuto nupwen repwe eto ngeni ewe nenien safei repwe:

- Aea pwonupwonun aaw me pwot, eppetin maas, ika pwonupwonun maas me nukun chok ika emon ierin mi kukkun seni nimu (5) ier, ikkei met epwe fori:
  - Ese menei aea pwonupwonun aaw me pwot, eppetin maas ika pwonupwonun maas fansoun mongo ika un, nge angangen atowawa nefinen aramas (6 fit ika nap seni) epwe fis nupwen ewe pwonupwonun aaw me pwot, eppetin maas, ika pwonupwonun maas rese pacheta.
  - Pwonupwonun aaw me pwot, pwonupwonun maas, me eppetin won maas ese pwan menei repwe aea nupwen repwe nomw non rumwen chekin semwen ika fansoun

epwe wor angang won kinikinin won mesen ewe aramas ian mei pwonuno ren ewe pwonupwonun aaw me pwot, pwonupwonun maas ika epetin maas. Ewe pwonupwonun aaw me pwot, pwonupwonun maas, me epetin won maas epwe muttir pachesefanita nupwen a wesino angangen cheki ika kapas eis a taweno.

- Pwonupwonun aaw me pwot, epetin maas ika pwonupwonun maas mi tongeni etititiw ika mi menei ar repwe esinna ewe aramas ar repwe nengeni. Ika mei tufich, euku kapas fansoun ewe pwonupwonun maas ese pacheta pokiten parasen aaw mei tongeni epwe wor ewe monun samwaaun non.

Ewe Oregon Health Authority ese apochokuna pwe aramas repwe aea ewe epetin maas me nukun ewe pwonupwonun aaw me pwot ika pwonupwonun maas. Epetin maas e awora tumwunun mesen aramas me pwan sopwosopwun tumwunun parasen ika supwun chenun aaw me pwot, nge auchean ewe epetin maas ren an epwe epeti ewe tumwunun nepwoputan iwe ese mwo wor.

Aean epetin maas chok epwe eukuk non fansoun nupwen aean pwonupwonun aaw me pwot ika pwonupwonun maas mei weires an epwe fis non ekkei kinikin fansoun:

- ♦ Ika emon mei wor osupwangen tufichingawen inisin mei epeti an epwe tufichin aea pwonupwonun aaw me pwot ika pwonupwonun maas.
- ♦ Nupwen mei menei an aramas repwe kuna mwokutukutun awen me chennawen emon fansoun an pworous (e.g., sensen semirit ir mei chiwen nomw non kinikinin mamaritan kaeo ika nupwen pworous ngeni emon mei weires an epwe rongorong kapas).

Esinei ngeni ewe ofesin pekin safei ika nour we HCP me mwen fansoun repwe chuno ngeni ewe nenien safei ika pwe mei wor ion mei wor sokkun ar samwaaun mei aweiresi ar repwe ngasangas ika ew tufichingawen inis epwe esenipa an emon esapw tongeni aea pwonupwonun aaw me pwot, epetin maas, ika pwonupwonun maas pwe epwe wor sokkun aninis epwe tongeni tufich ngeni an epwe anisi tumwunun pwan ekkoch chon safei ika chon chuto, me HCP.

## Pwan Ekkoch Nongonong

- [An OHA Pekin Safei ren Clinic, me Ourour ren Pekinsafei ren Epetin Monun Samwaaun me Tumwunun Monun Samwaaun ren COVID-19](#)
- [Kapasen Ourour fan iten Pwonupwonun Aaw me Pwot, Epetin Maas, Pwonupwonun Maas non unusen ei State](#)
- [ADA me Onnukun Pwonupwonun aaw me pwot – Porousen Osukosuken Aramase](#)

**Toureochun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, aweve ren fosun ekis, epwe mesemong ekkewe mak, ika non nikinikin noun mei chuun. Kokori Mavel Morales won nampa 1-844-882-7889, 711 TTY ika mak ngeni won [OHA.ADAModifications@dhsosha.state.or.us](mailto:OHA.ADAModifications@dhsosha.state.or.us).